



Broj: 03/1-50-14-7-10/24

Sarajevo, 4.6. 2024.

δ

PRIMLJENO: 16-10-2024			
Organizaciona jedinica	Klasifikaciona oznaka	Redni broj	Broj priloga

ČLANOVIMA ZAJEDNIČKE KOMISIJE ZA ODBRANU I SIGURNOST BiH:

JASMINU IMAMOVIĆU, MARINI PENDEŠ, RADOVANU KOVAČEVIĆU, DARKU BABALJU, MILANU DUNOVIĆU, SLAVKU MATIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ĆOSIĆU, SAFETU SOFTIĆU

PREDMET: Informacija o sastanku članova rukovodstva Zajedničke komisije za odbranu i sigurnost BiH s povjernicom za odbrambena pitanja Bundestaga SR Njemačke Evom Hogl, Sarajevo, 4. 6. 2024.

Članovi Zajedničke komisije za odbranu i sigurnost BiH: Jasmin Imamović, predsjedavajući, Marina Pendeš, zamjenica predsjedavajućeg, Radovan Kovačević, zamjenik predsjedavajućeg, održali su sastanak s povjernicom za odbrambena pitanja Bundestaga SR Njemačke Evom Hogl, 8. 6. 2024. Sastanku je prisustvovao i parlamentarni vojni povjerenik BiH Boško Šiljegović, zamjenik ambasadora SR Njemačke u BiH Bernhard Abels i vojni ataše SR Njemačke u BiH pukovnik Franz Josef Nolt.


Članovi rukovodstva Zajedničke komisije za odbranu i sigurnost BiH upoznali su povjerenicu za odbrambena pitanja Evu Hogl s nadležnostima i radom Zajedničke komisije, ističući poseban doprinos u procesu transparentnog i zakonitog procesa uništavanja viškova naoružanja, municije i minsko-eksplozivnih sredstava, rješavanju aktuelnih problema u procesu nabavki, transparentnosti u vođenju personala, unapređenju sistema pomoći civilnom stanovništvu tokom elementarnih nepogoda i u kriznim situacijama, te efikasnijem sistemu vojnog deminiranja, kao i u nizu drugih pitanja, poput terenskih posjeta komandama i jedinicama Oružanih snaga BiH tokom kojih se stiče prava slika stanja na terenu. Također je istaknuto da je reforma odbrambenog sistema jedna od najbolje provedenih reformi u BiH.

Na sastanku je istaknuta značajna uloga povjerenika za odbrambena pitanja Bundestaga SR Njemačke u uspostavljanju institucije parlamentarnog vojnog povjerenika BiH, koja punih 15 godina uspješno radi posao zaštite ljudskih prava i osnovnih sloboda pripadnika Oružanih snaga BiH.

Povjerenica za odbrambena pitanja Bundestaga SR Njemačke Eva Hogl izrazila je zadovoljstvo nivoom saradnje i razmjene iskustava u oblasti parlamentarnog nadzora u sektoru odbrane i sigurnosti. Posebno je istakla činjenicu da institucija parlamentarnog vojnog povjerenika BiH ima punu podršku institucija BiH. Također je naglasila značaj očuvanja nezavisnosti parlamentarnog vojnog povjerenika u donošenju odluka i davanju preporuka.

Povjerenica Hognl izrazila je uvjerenje da će SR Njemačka nastaviti da pruža podršku Bosni i Hercegovini i njenim Oružanim snagama, kao i da će međuparlamentarna saradnja na planu nadzora u oblastima odbrane i sigurnosti biti još bolja i sadržajnija. Na sastanku je izraženo zadovoljstvo bliskom saradnjom koju parlamenti dvije zemlje imaju u oblasti demokratskog nadzora nad oružanim snagama, kao i zahvalnost SR Njemačkoj na dugogodišnjom podršci Bosni i Hercegovini u oblasti odbrane i sigurnosti.

Predsjedavajući Zajedničke komisije
Jasmin Imamović



Dostavljeno:

- naslovu
- a/a